



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1714

Q. 122. Quid notandum sit circa potestatem Regularium in ordine ad dispensandum circa conjuges vel Matrimonia.

urn:nbn:de:hbz:466:1-42682

cum aliis *Sperell.* contra alios, Vicarium capitulare non posse cognoscere causas, v. g. confugientium ad ecclesiam, vel ex illa extractorum, quia hæc facultas competit Episcopis, eorumque Vicariis Jure extraordinario. Docent tamen *Rosa, Sperell.* supra n. 13. & iterum decis. 85. n. 1. cum aliis apud *Leur.* q. 197. & iterum q. 298. n. 4. contra alios, si executio sit demandata Vicario Episcopi sub nomine dignitatis, cum, qui post istum fit Vicarius Episcopi, posse exequi, quia licet Vicarius propriè non dicatur habere successorem, tamen habet consuetudo, ut hoc fiat.

§. 3. Etiam potest Capitulum sede vacante 890. per Vicarium suum assistere Matrimoniis, aut alteri dare licentiam assistendi, quia tum venit nomine Ordinarii, *Sanch. Côn. Barb. Dian. Leuren.* q. 487. 583.

Q. 122. Quid notandum sit circa potestatem Regula- 891. rium in ordine ad dispensandum circa conjuges vel Matrimonia. R. §. 1. Privilegium, quod habent Mendicantes ad dispensandum cum licentia Provincialium in petitione debiti pro conjugibus incestuosis vel adulteris vel ligatis voto castitatis, docent *Quintanadv. & Gob. tr. 9. n. 732.* contra *Bassetum* esse bullatum; & quoad illos, qui contraxerunt cum voto absoluto castitatis, docent *Castrop. d. 4. p. 2. §. 1. n. 19. & Krim. n. 2060.* posse Confessarios Societatis ex licentia Provincialis dispensare ad petendum debitum; sed quoad ista omnia videri debent dicta l. 6. p. 2. n. 1588, 1589. Notant præterea aliqui privilegium datum à *Julio II.* dispensandi saltem cum incestuosis per Mendicantes à Provincialibus deputatos existentes in domibus & ecclesiis suis, esse quidem

dem vivæ vocis, attamen subscriptum à maximo Pœnitentiaro, Officiali Papæ; Urbanum VIII. autem per Bullam *Aliàs felicis recordationis*, datam 2. Aprilis 1635. declarasse, quòd revocando vivæ vocis oracula etiam manu Cardinalis signata, non intellexisset signata ab illis Officialibus, quibus ratione muneris fides haberi deberet de fide talis oraculi, & tale esse præsens privilegium: quòd tamen extendi non debeat ad impeditos cognatione spirituali, vel voto castitatis, cum de his non fiat mentio: Et conjugatos superveniente impedimento cognationis spiritualis non posse dispensari à Mendicantibus in petitione debiti; fatentur *Sanch. l. 8. d. 16. n. 9. & Kram. supra.*

§ 2. Vix tenuiter probabile est, adeoque non licet sequi in praxi opinionem illam, quòd Regulares vi cujusdam privilegii à *Leone X.* Augustinianis concessi possint dispensare in primo gradu post Matrimonium contractum, aut in aliis impedimentis dirimentibus, eodem modo, quo Episcopi, uti contra recentiore aliquem pluribus probat *Card. in 2. crisi, diff. 2. à n. 379.* Et ideo etiam *Gob. tr. 9. n. 720.* docet privilegium, quod iisdem Augustinianis dicitur esse concessum dispensandi in impedimento affinitatis etiam in primo gradu, esse dubium; addit tamen posse in necessitate aliquem Mendicantem sub dubio dispensare, donec aliunde obtinuerit certam dispensationem; quia in necessitate licitum est uti sententiâ probabili, quando tutior usurpari non potest, uti dixi l. 6. p. 1. n. 110. De cetero ista servire non possunt Confessariis Societatis JESU, cum in Comp. privilegiorum non legantur esse recepta.

§. 3. Carmelitæ Discalceati dispensant in re-
gno Persarum cum neophytis quoad omnia im-
pedimenta consanguinitatis & affinitatis : item
Capucini Missionarii in Helvetia circa eos , qui,
ubi *Trid.* est receptum , contraxerunt clandesti-
nè , vel cum impedimento criminis ignorantes
illud , vel in 4to gradu consanguinitatis aut af-
finitatis. Item *Pignat.* tom. 6. conf. 16. n. 3. ait,
Die 7. Oct. 1682. *Innoc. XI.* concessit facultatem Præfe-
cto Missionis Brasiliæ Ordinis Capuccinorum dispensandi
super impedimento in 1. gradu affinitatis ex copula illi-
cita in foro conscientie , illamque communicandi ; hæc
tamen omnia non communicantur nobis , uti
notat etiam *Gob.* n. 725. Attamen in Bulla , *Licet*
debitum, anno 1549. inter litt. apost. in nova im-
pressione Instituti pag. 14. concedit *Paulus III.*
Generali Societatis , ut , cum aliquos ex fratribus seu
sociis Societatis in Saracenorum & Paganorum , aliorum-
que infidelium terras & provincias alias remotissimas , à
quibus non potest adiri Sedes Apostolica , miserit , possit
eis autoritate nostrâ facultatem concedere , ut cum iis ,
qui ab infidelitate convertentur tantum , & in locis re-
motissimis , qui prius in gradibus non licitis , tamen lege
divina non prohibitis Matrimonia contraxerant , ut iis
eisdem manere possint , dispensare.

§. 4. Putat *Croufers* ad Cap. 7. Regulæ S. Franc. 894.
pag. 787. quod *Greg. XIII.* die 24. Aug. 1576. con-
cesserit PP. Societatis *JESU* in partibus ultra-
montanis , ut in eis locis , ubi *Trid.* receptum est,
& non servatum ab aliquibus , qui induci non
possint , ut iterum contrahant servatâ formâ *Tri-*
dentini , possint dicti PP. eos absolvere , & dispen-
sare in foro conscientie , ut rursus secretò inter
se contrahant non servatâ *Tridi* formâ , & hoc
privilegium dicit haberi in appendice ad litt.

Apostel. pro Societate JESU. Sed cum *Verpigi* dico me hoc in nullo alio invenisse, nec reperitur in Compendio privil. neque in nova editione Instituti invenio ullam appendicem ad lit. apost. Hinc standum sententiâ communi, quod omnino tum necesse sit iterum contrahere coram Parocho & testibus, quia forma Concilii nunquam est servata.

§95. §. 5. Docent *Quintanadv. tr. 9. singul. 11. & Gob. tr. 10. n. 632.* posse Mendicantes, ubi privilegium habent dispensandi, id facere extra Sacramentum, etiam cum absentibus, ideoque ait *Gob. n. 604.* si Parochus scribat Confessario Religioso habenti potestatem, *pero, ut dispensis cum Titio in petitione debiti, & Confessarius rescribat, dispensis, si causa subsit, fore satis:* sed *Averf. q. 19. f. 3.* in hoc ultimo contradicit, quamvis cum *Portel & Dian. p. 3. t. 2. R. 14.* admittat posse ab ipso Religioso per Provincialem deputato fieri extra sacramentalem confessionem. Possit autem Episcopos cum taliter impeditis etiam post Matrimonium tantum ratum, & intra primum gradum dispensare ad petendum debitum, habet communissima cum *Averf.* supra contra *Covarr. & alios*, quamvis enim id iure scripto non concedatur, tamen ita habet consuetudo & praxis, quam Pontifices ignorare non possunt.

§96. Q. 123. *An aliquis dispensans sine potestate dispensandi aliquando dispenset valide: & quando sciens factus, incurrat aliquam penam Ecclesiasticam.* R. §. 1. Secundum dicta l. 6. p. 1. à n. 112. & hic n. 84. si quis habens titulum coloratum per errorem communem facti putetur habere jurisdictionem & potestatem, quam tamen non habet, & quam